

09 հունիսի 2020թ.

12562, 08.06

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ

ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 419411/06

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մանգականյանս, ուսումնասիրելով 09.06.2020թ.թիվ 74326 վարչական իրավախախտման վերաբերյալ արձանագրությունը, քննելով վարչական իրավախախտման վերաբերյալ թիվ 74326 գործը և կից նյութերը,

ՊԱՐԶԵՑԻ

«Մինթեք» ՍՊԸ-ի /ՀՎՀՀ 02271559/ տնօրեն Արմավ Մովսեսի Մինասյանը /հասցե՝ ք. Երևան, Մանանդյան 16/7, անձն. տվյալներ՝ AM0809915, ՀՇՀ 5205560088/ չի պահպանել ՀՀ ՊԵԿ նախագահի 30.12.2016թ-ի թիվ 298-Ն հրամանով սահմանված ավելացված արժեքի հարկի հաշվարկի լրացման կարգը, ինչի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169²-րդ հոդվածով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, կողմը ներկայացրել է դիմում այն մասին, որ «Մինթեք» ՍՊԸ-ն ԱԱՀ-ով հարկվող գործունեություն չի իրականացրել, հետևաբար փորձել է ներկայացնել զրոյական հաշվարկ, սակայն ծրագրի կողմից ինքնաշխատ ձևով պահանջվել է լրացնել միասնական հաշվարկի 35-րդ կետը, արդյունքում որպես գործունեության ընդհանուր բնութագիր գրվել է մի կող, այնուհետև ընկերության ղեկավարությունը գնահատել է, որ կատարված աշխատանքները ավելի շատ բնութագրվում են այլ կողով, որոշվեց հաշվարկի մեջ կողը փոխել:

Վարչական վարույթի շրջանակներում կատարված ուսումնասիրությամբ պարզվել է, որ 2020թ-ի մարտ ամսվա ԱԱՀ-ի և ակցիզային հարկի միասնական հաշվարկը ներկայացվել է 01.04.2020թ-ին, իսկ 09.04.2020թ-ին՝ 2020թ-ի մարտ ամսվա ԱԱՀ-ի և ակցիզային հարկի միասնական հաշվարկի ճշգրտված հաշվարկ, որտեղ փոխվել է հիմնական հաշվարկում ներկայացված դասակարգիչը: Միևնույն ժամանակ Վարչական իրավախախտումների վերաբերյալ ՀՀ օրենսգրքի 169²-րդ հոդվածով վարչական պատասխանատվություն է սահմանված իրավաբանական անձանց և անհատ ձեռնարկատերերի կողմից պաշտոնական վիճակագրական հաշվետվությունները և պաշտոնական վիճակագրական դիտարկումներին վերաբերող այլ փաստաթղթերը սահմանված կարգի խախտումով ներկայացնելու համար: Համաձայն ՀՀ ՊԵԿ նախագահի 30.12.2016 թ-ի թիվ 298-Ն հրամանի 39-րդ կետի՝ միասնական հաշվարկի 35-րդ կետում լրացվող տեղեկությունները օգտագործվում են վիճակագրության նպատակով, հետևաբար Արմավ Մինասյանի կողմից պաշտոնական վիճակագրական դիտարկումներին վերաբերող փաստաթուղթը սահմանված կարգի խախտումով է ներկայացվել, ընդ որում Արմավ Մինասյանի կողմից վերջին մեկ տարվա ընթացքում նման իրավախախտում չի կատարվել, ուստի կատարված իրավախախտման համար պատասխանատվություն է նախատեսվում Վարչական իրավախախտումների վերաբերյալ ՀՀ օրենսգրքի 169²-րդ հոդվածի 1-ին մասով, համաձայն որի իրավախախտման համար նախատեսվում է նախազգուշացում կամ տուգանքի նշանակում՝ սահմանված նվազագույն աշխատավարձի քսանապատիկի չափով:

Վարչական իրավախախտումների վերաբերյալ ՀՀ օրենսգրքի 32-րդ հոդվածի համաձայն տույժ նշանակելիս հաշվի են առնվում կատարված իրավախախտման բնույթը, խախտողի անձը, նրա մեղքի աստիճանը, գույքային դրությունը, պատասխանատվությունը մեղմացնող և ծանրացնող հանգամանքները:

Հաշվի առնելով վերոնշյալ հանգամանքները վարչական մարմինը վարչական տույժ նշանակելիս ապահովում է համաչափություն կատարված արարքի և նշանակվող տուգանքի չափի միջև, ուստի հաշվի առնելով այն հանգամանքը, որ Արմավ Մովսեսի Մինասյանի կողմից թույլ տրված իրավախախտումն ունի նվազ նշանակություն և կատարվել է առաջին անգամ, ղեկավարվելով Վարչական իրավախախտումների վերաբերյալ ՀՀ օրենսգրքի 169² հոդվածի 1-ին մասով, 32-րդ հոդվածի 2-րդ մասով, 244² հոդվածով, 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169²-րդ հոդվածի 1-ին մասի՝ Արմավ Մովսեսի Մինասյանի նկատմամբ կիրառել նախազգուշացում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄԱՆԱԿԱՆՅԱՆ

Ծանոթություն.

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)

Ստացա որոշման պատճենը _____